

樹經堂詩初集

蘇潭草下

南康謝啟昆蘊山

蘇潭卽事四首

鶴羣暫息凌雲想
鷗宅仍涵靜者機
作札未成耽晝寢
留賓無計典春衣
深宵對酒花能語
白日開厨晝欲飛
唱和新詩高格在
青天搔首問元暉

花柳成圍拂檻多
吹紅吹綠蹙簾波
遮攔暮雨饒修竹
掩映深秋尚芰荷
難得事閒甘獨臥
喜無人攪醉高歌
唐書晉帖都臨徧
更楊烏雲仿老坡

浣花寶唾究誰拾明月元珠何處還自幸齒搖眸未眩
還唾舌在鬢全斑描成空際霜前畫吟送斜陽雨後山
菜肚老人詩注在重搜任史補兼刪時刻黃山谷詩集
索租人去枕初安好節催詩興未闕少日愛花如惜命
老來覓句勝求官浮雲影共孤鴻遠細雨聲隨落葉乾
得氣蛟龍欲飛去夜深秉燭照飛湍

感舊詩五首

尹文端公

繼善

天河導三江秀氣鍾長白偉人建寶幢鳳文吐五色愛

士眼尤青開府頭尚黑風度想曲江才望比安石公初
蒙

主知剔蠹弊先革滇黔障炎雲秦隴靖沙磧紅藤瘴洗
兵玉塞霜凝戟奏功二十年尤在江南北經綸要鎮靜
淮海登衽席赤手挽黃流高樓吹羽笛射虎帳前兒跨
鰲幕中客談笑羣務成精嚴百吏式

帝眷召裴公人思歌召伯諸子盡卿材半籛空粟帛清
風一卷詩謦咳遺珠璧絢春

御賜
副名

花不飛寢門痛永

隔

劉文正公

統勳

汪汪千頃波巖巖泰山氣立朝抗高節蹇諤上封事登
殿彈相國折角摧近侍羣僚望丰裁賢者深責備

龍光荷恩眷鳳噉爲國瑞出入三持節中外肅風義瓜
李恒遠嫌包苴必屏棄諫垣草不留溫室言自祕西陲
作不靖當車逞螳臂棄壘謀偶愆宥青典特異侃侃談
軍旅炎炎闕羣議暫蹶仍追風行空看天驥黃閣襄
聖謨蓬萊領仙吏

青官用老成保傅重師位哀奠煩

至尊巷哭湧清淚賤子受知深絃韋佩永志公常以性急爲啟昆

戒

秦文恭公蕙田

司寇本周官引經能斷獄公初典秩宗後乃總刑錄人
知讀律精公實研禮熟七篇嗟煨燼二戴委榛麓大義
昏日中揣摩甚捫燭奮袂纂諸儒絕業繼高躅進講朝
簪筆下直夜燃燭制作該五禮網羅括千軸彥士偕同
官辨論日往復以茲裒成書餘事乃判牘用法存苦心
物議起流俗傷哉六疾侵行矣二泉卜歸舟滯關河屬

續阻華屋魏公無故物房相空喬木傳經憶絳紗弟子
吞聲哭

錢文敏公

維城

士生天地間浮華盛文藻致君無實用藝事皆小道吾
師擅三絕

禁垣倬值早初登上第時志不求溫飽

師登第詩平生
溫飽何求足畢

世聲名
欲稱難

眉宇清若畫高論驚絕倒三十躋上卿治律窮

分秒按事走傳車蠻天日晶晶羽扇隨指揮狼性戢牙
爪移師不兼旬勢若拉枯稿加葉胥羅拜開網放窮鳥

聞者議多殺豈識彰

天討歸來畫三接詩筆冠蓬島退食盤礴裸溪山幾幅
好至今 內府藏寸縑奉

御寶多能何足云經濟出塵表豈屑比香光直欲凌坡
老渴病哀相如及門酌宿草翔鶴不歸來綠雲空復杳
不朽在人間磊落秋旻杲

公京師所居爲翔鶴堂綠雲書屋啟昆曾假寓於此

裘文達公 訂修

哲人無滯機世務鮮膠轄清風掀紫髯一笑意先豁當
其臨事時節目似疎濶砉然迎刃解披霧見冰雪敷奏

天容霽片言衆命活委蛇退自公口誦手批札鼎食羅
賓朋塵談溢朱闥當筵翰藻揮稠疊

雲章綴我知未盡公文事乃其末往者屢銜

命行水周禹轍燕齊吳楚郊支岐導淤闕胸羅治河書
手有補天術亮工

帝俞哉司空職毋闕御賜詩曰沮洳成膏壤尾閭納

溟渤力已盡鯨波病乃得鯁噎讓夔敘汝功殺虎療汝

疾上命取虎肚調至今燕子磯水伯位空設江南燕

神位臨江一醜酒靈旗降彷彿

祀公

紅梅二首

頰顏無語立娉婷
碎嚼檳榔酒半醒
可是曉霞妝欲就
夜來面觸水晶屏

驚鴻照影綺窗來
耐得春寒豔色回
看到燈殘人散後
夢中紅淚已成灰

前津

錦囊手拍笑冬烘
檀板徵歌我未工
明月一船載詩去
前津徧索買油公

三湖九津圖歌爲胡維君賦

章貢合派趨洪都北達彭蠡東爲湖

水經贛水逕南昌西東爲東太湖

下

彭蠡在外此居腹譬人血脈相灌輸名則有三俗譌五

東西北三湖卽水經注所謂東太湖俗以東湖爲南湖百
花洲爲東湖其北爲亭子湖又北爲北湖其實一也

花洲沙嶼交縈紆暴漲連天湖水溢賴有九津分尾閘

遂人溝洫本古制田野都鄙今寧殊九津之義取洪範

如洛出書龜負圖九澤旣陂九川滌功有大小實則符

豫章一溝亘城北內外兩閘通城郭非津利導殺其勢

乘船入市民爲魚武陽韋公新安范前後疏濬攄良謨

我生此土昧水利空談紙上慚操觚胡君治經詁禹貢

三江九江窮別區

雜君著有尚書補義

周行闡閩湖源委不以巨

浸遺潢汗指掌丹青命畫史邇言詎度煩鈔胥尺幅已收全郡勢覽之勝讀河渠書賢吏卽今有鄭白我民終歲安田廬舉鍤成雲決成雨明湖無墊津無淤

普賢寺鐵象歌

省志南唐保大二年袁州刺史邊鎬以鐵二十萬觔鑄普賢乘

白象寺遂以名

諸天儀衛驅百獸七寶控行絕羈鞅文殊之知普賢行
一馴獅王一白象寺步門東訪古寺莊嚴蹟未委榛莽
十道火輪飛鐵山七支柱地應雷響前身康樂邊羅漢

監軍來作洪州長

按十國春秋保大元年嶺南妖賊赤軍子犯虔州詔洪州營屯都虔候嚴

恩討之邊鎬監其軍事平擢鎬洪州屯營諸軍虔候二

年代馬殷以鎬爲行營招討洪撫等軍都虔候鎬象當

在此時七年爲信州刺史舊志謂

保大二年鎬爲袁州刺史者誤是時嶺南赤軍起吳

楚干戈復擾攘不鑄劍戟燒燧尾在竭脂膏飾金象空

中幻出丈六身布施那惜萬千鏹馱經猶未化石歸踏

花似欲凌雲上後來馬去不用鞭當年象教毋乃廷鄉

人佞佛不解事墁以白盛汚塵壤

土人以泥塗象身爲裝飾

伏首但

見垂纓絡量船安能計銖兩遂令香象失本來空使後

人費摹仿彭奴祚去幾滄桑蓮座光新燦銀榜捫讀殘

碑稽老僧依稀黃蘗記疇曩香花禮罷日已西古殿春
陰覆虛幌

普賢寺鐵香鑪歌

南昌普賢寺鐵香鑪一蓮花
形鑪下三鐵勇士頂立爲脚

鑪高二尺五寸圍圓七尺六寸口寬二尺四寸

脚高二尺一寸識云城居高說發心鑄香鑪一

所重一下餘筋捨入龍興普賢寺正殿永充供

養者時歲大宋紹定庚寅七月旦日謹記匠人

熊子明

香鑪作歌今得偶太和居前紹定後模有大小名則同
彼出衆施此獨吞藁然兩頭字可辨城居之子記誰某
發願一鼓并州鐵天花現出玉池藕重臺妙製傳拘畱

千葉跣趺結韋紐

法苑珠林香爐別起蓮花臺是拘雷佛所製又有韋紐天出千葉寶蓮中

有人結跣趺坐

其高三尺圍七尺有三力士負而走國號太宋

音譌楚

古無太宋之稱江西人呼大爲太音之譌也

歲紀庚寅日過柳跋扈

李全躡江淮誤國彌遠虛朝右山河破碎金甌缺不及

此鑪歷年久一足雖殘石工補

勇士缺一以石補之

未委荒村作

春曰老僧藏弄不知惜爲我摩挲滌塵垢鉢緣未盡香

緣添一叩禪關發幽蔀

望西山

蒼然翠百里吹滿灌城陰一鶴掠烟去秋屏橫古今我

家蘇潭上日夕談相貺爲君留十年閑雲滯蘿帳

望東湖

太守築南塘觀察建斗門一脈達江水萬里護堤根在
淵忽龍躍長虹空際落一葦不可航晚烟漁唱樂

梅花國

一樹香一國名奪兩將軍關外帶秋浦簷前堆白雲南
枝使未寄北嶺雁初分振觸廿年夢移家空望君

鐵漢樓

在寶界寺

我慕劉元城瀕危氣不折我愛蘇東坡度海見風節兩

公稱知已稜稜心似鐵金剛不壞身拈花佛能說

蘇步坊

過訪六經堂畱題剩古坊誰知千載後移贈到南昌

蘇潭

之名翁覃溪師因此坊而贈也泉水舊時味釣遊童子鄉夾街槐蔭好攀折意難忘

芙蓉江

采采清江曲不見花盈目名姝隔秋水相思倚幽谷蕉溪往日春紅霞爛錦茵城頭空月白愁殺渡江人

珠簾暮捲西山雨四首

風簾乍動雨如酥萬縷虛明色有無燕子欲歸空影亂
草痕半入濕光鋪湘烟颺起珊珊節銀蒜收殘瑟瑟珠
潑黛霏嵐晴後好西來爽氣畫難摹

颯然高閣響廉纖有客登臨捲畫簾鮫淚洒空波澗淨
鰕鬚盛浪翠紋添跳珠影散風初定珮玉人歸夜未厭
一曲瀟瀟懷帝子憑欄官爲駐車幘

麟臺倒捲碧玻璃雨脚初過日未西界破烟光衝白鳥
捲殘紅影押文犀衣邊霧濕香纔散檻外雲飛樹欲低
拄笏相看青未了子安綵筆更誰題

江上愁心不可刪。雨絲簾額動搖間。飛簷時落雲中瀑。
臥榻頻收鏡裏山人去。青帆波浩渺。夢回甲帳碧爛斑。
斜陽目極章門晚。清簟蕭疎與自閒。

兕觥歸趙詩四首

明神宗萬歷五年編修吳中行檢討趙用賢劾張江陵奪

情受杖出國門庶子許國鐫玉杯以贈吳兕觥以贈趙觥銘曰文犀一角其理沈沈不惜剖心寧辭碎首黃流在中爲君子壽穎陽生許國爲定宇館丈題贈是觥傳之黃端伯何潛夫皆殉國難者也今在曲阜顏衡齋所文毅裔孫趙者庭自湖南走南康求學使翁覃溪師爲詩文易觥以歸丐同人題之時丁未秋八月

三忠鵑血在異代。兕觥存璧借新圖。樣珠還舊淚痕幾

時同陋巷故物遇文孫兩地精靈合千秋古誼敦
手澤念維艱閒鬢已斑盟心登闕里繭足到廬山學
士情遙結高文義獨爛教忠兼教孝風節動人間

遷謫編修竝交情庶子深玉杯終羽化犀角未淵沈顯
晦歸時運英魂自照臨江陵燄銷歇碎首奉遺箴

湘水浮舟遠虞山撫器新風烟看隔世歌哭可通神青

史銘應補黃流味最真家傳清白吏寶此勿憂貧

者庭子貴

與爲湘潭令

奉和覃溪師對牀聽雨圖元韻六首

後先詩句泥韋蘇遜此蒼茫入畫圖章水門生驚老大
谷園論難費工夫廿年舊夢窗邀月一片秋聲雨滿湖
別有無窮今古意漫同莊惠據於梧

言詩愧乏起予篇巾篋新添翰墨緣蓮漏仍懷詞館近
鷗盟每被宦情牽春燈影裏人如昨竹露風前響正圓
不是彭城飄泊地高歌還擬續陳編

雪裏程門曾獨立雨中坐對更成圖瓣香接跡先諸子
小技雕蟲悔壯夫藜火三更憶蓬閣波濤萬頃響彭湖
茶煙鬢影禪牀側靜寄何妨寫竹梧

昌黎示我夢郊篇上下追從有宿緣吟興已隨春草發
情懷却爲雨聲牽事如鴻過畱痕在人似花開結果圓
相看鬚眉多古意千秋著錄許同編

拈花一笑忘言象頰上添毫倩墨圖風月追陪周茂叔
漁樵問答邵堯夫暫隨車蓋畱粉社敢戀烟蘿乞鑑湖
蓬鶴軒頭新雨過綠窗清韻滿蕉梧

白傅高吟池上篇

師前年作蘇潭歌見贈

三生恰結箇中緣文章

自有精靈契聚散寧爲出處牽南浦看花春未老西樓
聽雨會重圓

韋詩更味西樓篇

本來面目他時認重與挑燈檢

舊編

蘇潭同胡雒君看木芙蓉有懷覃溪師南康兼
寄幕中諸友

近水芙蓉弄秋色千朵萬朵嬌無力葉脆猶以拒霜名

花開只用經年植

二月插枝八月開花

露下金莖炫玉裝粉痕添

暈日中央流光頃刻散霞綺有人爛漫浮千觴

三醉芙蓉一日

三換色

碧波作鏡花倒影紅鱗咳花時一警荷氣香生談

塵尾柳風涼到鷺絲頂木末懷人秋雨濕宮亭湖渺浩

難接攜手應上五老峯雲錦屏風看九疊

友人惠嘉禾鯉蕘海蜃賦謝

秋風思膾鱸故鄉致海錯蠶蕘庖人辨鮫鮓記聞博

類篇

江鮓似蝸蚌生海中又同鮓集韻鮫鮓似蟹

品可祀武夷形或等郭索來隨

浙江潮美甚越南鮓素書剖腹殘石華帶帆落佐膳同

蒞醢調和雜鹽酪逐臭非所甘蜃口亦云樂饌法謝庖

烹旨蓄配羹臠餉我攜都籃珍重裹青箬嚇豈視鼠餘

食宜免烏攫愧我餐粗糲得之勝藜藿霜味添菊酒兒

童恣歡噉口腹今累人清饒笑填壑一飽夢駕湖落月

滿江閣

清明後二日邀同人集鴻雪舫看桃花用萬芝

堂畫桃花詩韻三首

帶人天氣感幽情
聯袂成帷白袷輕
詩健那須花作骨
心空何礙色傾城
宮衣省識憐坡老
畫舫流連泥長卿
金縷歌成芳未晚
攀條豈惜露英英

空潭寫豔影攢攢欲折仍畱勒
薄寒醞釀韶光和樹醉
昏花老眼隔烟看分無仙骨
稱豪易怕惱遊人闕戶難

爛漫亦邀塵外賞
落霞襯出鶴頭丹

園有白鶴

魄交虹見曲江春
浪捲晴空漲水濱
頰面人歸兒擁樹

賣餉風過客停輪綠窗閃閃鶯初澀紅雪霏霏夢未眞
倚徧闌干拚酩酊繁華不稱薜蘿身

同萬芝堂伊田鄒西麓朱章浦鏡雲蔣秋竹胡
維君遊北蘭寺

籬荒徑轉棟花坪脫帽空林聽好鶯老屋如人防跛倚
春山似畫更分明江光綠潑茶烟熟竹色青搖筍籜輕
雲際一帆勞竚望天南有客動歸情

鏡雲新作天際歸舟圖

題朱鏡雲天際歸舟圖

西清才子南州客烏帽黃塵別京國潞河霜月千里明

揚子春波半篙碧夢裏還家偶乘興不爲尊鱸耽野性

乾坤萬象入虛舟風雨廿年歸曉鏡先生宿稱小萬卷

東都事畧朱昂篤學人目爲小萬卷穩載宣毫與江硯雲山一曲靄廼歌

靄廼集天上槎回燭星漢趺坐掀篷有所思鄉音遠近

問漁師煙樹恨無子久筆蒼茫自咏元暉詩十日蠻牋

分勝友走馬江城命尊酒離緒遙飛桂嶺秋行踪尚滯

廬峰右宮錦袍新照采石我愧宗之如舊識乘風肯送

飛篷人同向方瀛挂輕席李白嘗與崔宗之乘舟自采石至金陵贈宗之詩云有如

飛篷人去逐萬里游

鴻雪舫嫩綠歌次萬芝堂韻

先生老去健詩力故翹柔春咏新碧浣來蜀錦一江波
割取空庭千樹色小園花發豔叢叢蠟屐燒殘滿地紅
和風剪剪葉初吐曉翠盈盈煙欲籠繡球低壓一簾雪
槐火初過賣餠節淨防人唾倚闌干對此忘餐笑癡絕
十日輕寒瘦玉肌高寒薜荔未成帷軒頭雨散晴光潑
鶯語交交聽竊脂促坐追歡恨杯淺那辭盞篋衣裘典
對牀影颺鬢絲長傍砌陰隨銅漏轉蓬蒿豈是我輩人
白首論交氣誼新瀾渺流波春去疾差池燕社客來頻

長鳴櫪驥追風走却爲校書陪從久誰識據鞍翁矍鑠
尚憐噴飯清貧守閒行竹徑叩僧扉泥濘衝街帶月歸
鴻爪依稀尋舊夢茶廳滋味薄輕肥竿木逢場隨處好
勝遊未覺風光老休嗤佳日柅朋簪預恐他時思遠道
蕉窗點筆字鱗差小舫橫安似總宜名船池塘草苗無佳
句一曲清歌倩畫師

錢文敏師畫障歌

芝堂先生出贈文敏師枯木
水石橫幅云係扈蹕時所作

做王蒙筆意無款識
披圖感舊誌以長歌

吾師橐筆侍 內庭手爛墨妙兼丹青做元四家得神

似此圖居然王叔明楓生堂上枝欲裂僵臥盤拏力屈

鐵璘珣石色皴麻皮曲折水紋用戰筆

畫譜戰筆水紋描

煊染

初無絳碧繁蕭疎不作落茄痕溯派遠從董北苑

元四家同

師北苑

風神突過趙王孫

叔明趙文敏外甥

憶昔假館親函席翔

鶴堂

師京師所居堂名

羅珠履客畫橐頻移一面牆
襪材競致

三千尺富春宗伯同擅場

董文恪公東山

妙與吾師相韻頡承

恩數上紫光閣

賜紙屢出澄心堂扈從星廬逐車左親見解衣槃礴贏
霜根貌出塞垣秋秃管自用寒瓊裹山頽木稼寢門虛

零落邱山十載餘絳帳弦歌空入夢西州痛哭漫回車

于門必大報何爽玉樹雙凋增悵快

兩公子俱下世

研山已失

米襄陽朶殿誰宣蘇叔黨衛公故物可能完飄零一幅
麝煤殘內院應慚呼畫史姓名不肖記銅山晉陵風雨
蓉湖宅披圖苦念琴書側自有真氣憑寶鑑莫共雲烟
付陳跡

送胡維君還江南鄉試

胡君去秋來與余數晨夕竝坐蘇潭上題詩畫舫側披
豁皆天真談深勝前席拓跋書千年豫章志幾冊搜討

窮原委校勘等讎敵勝跡欣同探疑義必分析嗜書如
脈望引我若針石南風吹五兩折柳奏橫笛遄歸趁秋
賦眉間動喜色

天子重掄才防微弊盡剔六籍先毛詩覆試定新格夤
緣戒後進縱橫發高策羞彼鬱輪袍玷此和氏璧安定
經術深安能久屈抑賞音逢知己吹噓謝人力匡廬九
疊青皖江萬里碧擊水無滯鱗垂天要豐翼送君鮮譽
詞章門悵脈脈是歲以毛詩取士

永福巷千葉蓮花二首

一笑拈來作道場，知公結習未能忘。拘留佛現重臺製，
韋紐天開七寶裝。禪客偶然參綺語，緇衣何處染心香。
袈裟一名蓮花服 鬢橫烟裊繩牀側，小乘維摩病不妨。

銅瓶沃研芰荷池，頗憶髫齡射策時。醉墨剩題雲老壁，
碧紗誰護仲先詩。三生白石成前夢，一室天香叩導師。
初地種來因果在，陳根畱與後人知。余丙子己卯應秋
試屢主是菴今忽

忽三十
餘年矣

南昌學宮摹刻漢石經殘字歌應單溪師命

小蓬萊閣初刻石歲在丁酉秋八月十年校士來洪都

重泐經文採遺佚昔惟三段今十二金匱本繼研山出
盤庚洪範君奭篇百有餘字燦先列唐魏國風證毛魯
宜貫猗兮義區別射禮聘禮六七行隸釋所續未磨滅
公羊之傳隱四年嚴顏異同資考說盜毛包周字竝存
論語校正廣川跋夫子枕蓀皆羣籍

聖學表章首四術援據百家衷諸是參互三體會於一
如入洛陽登講堂手量丈尺積圭撮尚識篇終左右名
仍傳腕法中郎筆昆也著錄弟子行昔共姚潘題簡末
恭逢盛事瞻宮牆幸率鄉人勉磋切吾鄉媿雅推三洪

槃州老人富碑碣會稽刊本天下稀凡將直入籀斯室
饒州通守亦好古字類字原彙成帙後人讀書不識字
未學師承昧前哲要令質厚培根本戒逐浮華事剽竊
波磔臨摹指畫肚訓詞雜誦口流沫先河後海窮原委
注釋傳箋力搜抉墨本攜歸貽子弟鐵摘韋編守毋失

漢建昭銅鴈足鐙歌爲王蘭泉方伯賦兼呈覃

溪師

盤底云建昭三年考工輔爲內者造銅鴈足鐙重三勛八兩護建佐博畜夫福掾

光主右丞宮令相省中宮內者第五故家其側云今陽平家畫一至三陽朔元年賜其足云後大廚几六十一字

永始首山記京兆竟寧鐙亦傳淮南

揚州馬半槎藏漢竟寧元年雁足鐙

厲太鴻有詩

此鐙記年更奇絕建昭陽朔先後參元帝多材

善籀篆勒銘執筆何人堪一器之成衆官具嗇夫掾令
齊來監不鑄鹿盧飾龍虎陽鳥示義深且嚴甘泉后土
躬享祀甲觀畫堂歌樂航後來賜出陽平第遂令畫一
至於三闕二千年質完好想見奠醑香醞醢蘭泉先生
篤嗜古琅函萬里停朱驂吾師摩挲不忍釋昔寄拓本
題蘇菴覃溪師齋名銖兩悉較漢權合尺寸又與慮虎諳燭
或可置製殊錠蓋雖已失形非盒篆刻精嚴今日觀楊

劉集釋將毋慚大官綬和字可證

覃溪師引大官綬和壺省字證樊榭詩以

省爲首之誤

九華蓮勺名空談宣和款識失圖繪樊榭譌謬

誰研覃故物青氈照宵讀銅花碧暈涵秋嵐兩公互訂金石紀更乞一本貽蘇潭

友人惠浙西虛白齋箋紙轉奉覃溪師竝繫以

詩

六六魚書自遠將研光箋色帶湖光女兒膚尚輸晶瑩
老子心還止吉祥文弔刻藤書可愧封高楮國價難償
先生手緝張華志好共麟毫供墨牀

移松十六韻賦贈盧七青柯

少陵營草堂亦覓松樹子坡翁種東岡寸陰紀初徙如
何小園內干霄看突起邂逅雙眼青踐盟宿心喜邱山
回萬牛輿譎動閭里草木生光輝冬日變暄美緬昔養
蒼鱗托根歲在己

青柯己卯歲植小松於地
今己長二丈餘移以贈余

我方通桂

籍汝亦謝蓬蒿忽忽三十年人老樹如此投分感石交
含貞悟生理遷地信能良盤錯寧得已雨露非一朝愛
護自茲始敢云貽子孫聊以伴煙水棲必招鸞鶴豔或
對桃李霜雪凌寒空風雲會咫尺他時聽濤聲與君結

素履

送魏松濤乞假歸嘉禾

勇退須乘急浪中幾人林下羨高風 清時自棄休如

我健日偷閒且屬公題壁紗籠詩尚在 去年以干佛寺

仲先事 壓船石滿橐仍空樓頭煙雨鴛湖曲滕閣秋深

擬之 盼遣鴻

題外甥賴應三桃花春甕圖四首

記得桃花頰面時身長今竝最高枝年來其我江村住

幾度花前載酒卮

十分春色濃於酒
況值花時始潑醅
風雨柴門欣客到
尋源不是武陵來

我學陶公常止酒
汝如阮籍日銜觴
莫言舉止都相似
玉立花前遜汝強

錦浪軒頭手植新
流光如水惜芳晨
山香舞罷筵花落

一局終輸乞墅人

蘇潭有
錦浪軒

春風樓草

南康謝啟昆蘇潭

己酉主鹿洞講席翁覃溪師賦詩寄贈次韻奉
荅兼示諸生二首

匡君入夢已通神
苔異岑同締夙因
白鹿重來應有主
青山難買屬何人
抗顏尚愧師承淺
到眼方知境界新
貫道溪源分一派
休從俗學乞餘津

敢誇學海竝經神
下澤高原必有因
半載齏鹽如太學

鹿洞有古他山攻錯賴同人
陳言務去緣心得
妙質具國學之名

留與古新萬疊鑪峯千尺雪門前三峽是梁津

附原唱

寤寐嵐漪信有神瓣香輕易說前因來尋鹿洞申條約果與匡君作主人經義師承母泥古文章家數莫

翻新開先玉峽看飛瀑處處源頭可問津

書院壁間有王文成

書古本大學愚去年有詩力言近人輕言復古好駁宋儒之弊近見江叔漢氏尚書音疏亦深以爲今日學者之戒也故因附及之

松濤二首

後屏山

鹿洞山名

擁鬱森森浪捲雲深綠萬尋泉石竝傳笙

安得出沒隨耕父，濯足慰我滄浪情。

青玉峽用東坡先生漱玉亭韻

漱玉玉可漱，礪齒生清風。出峽劍出匣，白浪飛虬龍。珠
簾挂萬派，一碧涵虛空。其下深不測，縱擊爲奔猱。散作
人間雨，勢與江水東。雲收布水臺，瀑布之下月出鮫人
宮。浴仙試解衣，龍池南下有小池曰浴仙池散髮懷蘇公。斯人不可
作，浩歌山水中。

秀峯寺

關齋匝月守書樓，老衲相逢忽破愁。攬得衆峯雲外秀，

坐來千尺瀑中秋諸天幻相金輪轉一代風騷玉帶留

寺藏五代人畫閻羅

變相宋大中丞所捨學士爲題修寺引珍同松雪勒銀

鈞

趙松雪有修東林寺疏石刻潭溪師
作募修寺引書法精妙寺僧將勒石

瞻雲寺 一名歸宗

天上雲居地上同

諺云天上雲居地上歸宗雲居山隸
南康軍見山谷詩注疑寺名本此

右將軍宅梵王宮樓臺金碧層城外車馬風埃大道中

寺當星
子之衝

蓮社未曾參慧遠墨池何用辨南豐憑誰共語

三生石咒起枯松活幾叢

雨後枕流橋觀瀑

人聲夜半塞寢帳曉起開門看溪漲滾滾晶毬撲面來
皚皚雪嶺堆天上一聽三日猶耳聾枕流先生誰與同
聲聞未斷攝諸妄趺坐盤陀山海空

王文成紀功碑

道學空談少定力削平世難須老成明之中葉王新建
經綸掌握真豪英出撫南贛破三汭摧枯拉朽屠長鯨
逆藩宸濠敢稱亂公適勘事來豐城大計安危在呼吸
賊勢猖獗無畱京不俟朝命飛羽檄撓賊以計張軍聲
直搗西昌復二郡三十五日賊已平上游之勢建瓴水

大言亦不辜王瓊天子聞變整六轡獻俘欲與軍門爭
江西敝困不堪擾惟王都堂甦我氓當時左右忌功伐
九華晏坐風煙清隔歲上功乃歲事奏書盡竄諸嬖名
豐碑深刻敘始末詞嚴義正書縱橫嘉靖邦國我后德
左方官屬偕從征乾坤撐持賴砥柱幕府談笑皆諸生
我生此土食公德摩挲墨本思怛怛廬山高高石磊磊
照耀天地無頽傾

盧青柯訪余於鹿洞喜贈以詩卽送歸南昌二

首

手把芙蓉渡石梁袖中雙劍掣湖光

馮費二生同來

能尋廬嶽

參吟社似向嵩陽問草堂

嵩山有盧鴻草堂

瀑捲珠泉沾屐雨

月移雲海入簾霜招同五老簷頭宿應笑先生鬢未蒼

八采曾傳絕妙辭公卿長揖不干時成都市隱垂簾早

谷口耕深抱犢遲來共流杯

洞有流杯池

供飲渴未嫌燒筍

療餽饑歲寒盟我青松在

去歲以青松贈余

白石清泉結遠思

題秀峯寺所藏佛說十王預修經并圖及陀羅

尼經後

并序

右佛說十王預修經大威德熾盛光陀羅尼經各一

卷畫十二段爲陳觀音慶婦人文殊連男陳慶福造
康熙乙亥商邱宋大中丞漫堂出以贈寺僧心壁貯
七佛樓不著時代及書畫人姓名漫堂跋云畫法詭
異書亦具有氣格似是五代北宋人蹟舊簽題閻立
本地獄變相未足爲據尤西堂跋云宣和畫譜朱繇
有此圖疑出其手然亦未易辨王方伯述菴跋云三
藏聖教目錄無十王預修經而陀羅尼經亦與此不
同殆是後世傳本然書法兼有歐柳畫法奇古覃溪
師定爲唐末人筆詩以紀之

禪堂五月風泠泠來觀圖畫兼寫經經寫兩卷共一軸
中幅畫現閻羅形雙樹涅槃盤聽說法人天郁伊交涕零
福如微塵孽如海十地黑風吹血腥金甌瑯璫雜桎梏
夜叉獐獍紛拘囹亦有簿書逞鈎距旁列府寺分宮庭
大鐵圍山踰萬里燄魔使者無常刑愴怛虛無出詭怪
陰陽關翕通精靈如是我聞經中說假以圖像尤丁寧
一圖一偈當棒喝想見濡毫甘露瓶鬼神情狀太刻齟
須防白晝追六丁婦人文殊男慶福一家頂禮祈寧馨

卷末云願聖錫蓮生
之福子習辨於羣材

作者惜不著名姓空畱翰墨兼丹

青綿津山人亦觀化畱贈心公幾平百齡披圖能使髮
毛豎誦經更令心骨醒此經不用搜祕藏語言文字歸
窈冥此圖不用辨唐宋慧眼靜攝常惺惺地獄豈爲我
輩設聖諦難與凡人聆世界闔浮泡上影三生夜語風
中鈴卷軸斂函雨花散但見古佛燈熒熒

附和作

趙翼雲松

開先寺繞清泉冷樓貯預修陀羅經經書一段畫一
幅地獄變相無遺形陰司慘毒異人世見者汗下怖
淚零夜叉追魂步豎亥紂絕宮內多囚罔波吒何慮

暴聲沸鬼膽已破遍體青鐵梳銅夾世罕睹火籠冰
窖古未聆倒身入臼搗作粉煮以油鑊血不腥皮消
肉化已烏有一靈知痛偏惺惺清風一吹形復聚仍
來受苦艷都庭可憐七七到祥禪歷劫十二慘不寧
生前作孽漏天網至此始歎闍羅靈竄跡難掀羯肌
鉢藏身安得拘畱瓶畫師作圖有深意要令未死先
懷刑更寫貝經當棒喝慈悲普喚夢魘醒惜哉竟不
著名姓絹素僅嗅古墨馨翻令陳家兩母子藉之流
傳千百齡綿津捨入祇洹皮義取佛力通重冥畫精

字好有神護天曹不敢攝六丁我來展卷正遙夜寂
無埃鼓但塔鈴蒲團頓悟解脫理禪燈一盞光青熒

五月二十六日得舍姪綬庭與選拔之信喜成

一律寄示兼呈覃溪師

廿年憐汝困青衿望眼穿時得好音子弟求佳屬來者
蕃畬有獲慰初心此科久與賓興重使我常懷前祓深
從此門牆添故事章江桃李再成陰

白石菴

古人未達時富貴羞苟得萬卷隨行滕十年此面壁孰

料參禪地名因讀書識世既無真儒并亦鮮高釋楞伽
日頽廢山房如掃跡我行匡廬南山腰拄輕策尚喜三
兩間未全委荆棘五老騎屋山下瞰翠眉滴明湖浮几
案盜盎一盂碧山水會其全神仙於此宅頓覺心眼開
翻嫌鹿洞窄假我誅茅基預掃醉眠石全家挈妻子及
此頭未白

五老峯歌

初白曾賦海綿句吾師復作五老歌我無才力鬪蘇李
太白東坡俱
有五老峯歌坐對五老空嵯峨飛星入昴化爲石陶唐

之世呈洛河此山更闢渾沌始此論不憑吾豈苛峯峯
插天面面似大不盈五小或多強標名號紀山水按驗
圖經殊白科羅漢丈人形莫辨八公九子義則那峯於
廬阜本同氣呼吸雲霧通層阿清淨身與廣長舌一體
未可分陂陀八萬四千誰舉似紛紛刻畫聽者訛今年
春風伴我室似逢靈運借羊何濟勝自慚腰脚軟倦禪
伏坐如橐駝夜半起驚鶴鶴語空中騎控鸞龍過有時
陰森凜可畏倏忽駘蕩姿委佗竹筥偶上七八里山腰
風雨飛滂沱諦聽松聲夾澗水青天如鏡措雲羅萬里

江南露一髮半甌湖水浮輕渦九疊三疊各張錦大孤
小孤如蘸螺三百六句遞顯晦是二是一難縷觀此皆
五老獻眞狀歷萬萬劫不可磨拔地倚天去咫尺沐日
浴月相盪摩我詩不工少詼語面目免使山靈訶

白雲洞

去白石巷一里
或云卽木瓜洞

種瓜人已去築室洞常封脚底宮亭水簷端白石鐘條
條千歲鶴矯矯六朝松忽聽棋聲落仙踪或可逢

墨池二十韻

人才稽典午江左數義之捨宅仍畱閣籠鷺尚有池遂

傳洗墨處想見搨毫時家世司徒舊行藏庾亮推鑒裁
原自別骨鯁夙稱奇臣志中原切軍謀北伐危報書詞
激烈忠告涕淋漓安石心堪論深源悔莫追清譚知誤
國遠慮似操著誓墓抽簪早行田課種宜樂妨兒輩覺
志盡老夫期東土皆同志西江繫我思臨川猶仿佛彭
蠡定棲遲觴詠何曾廢風流亦可師一時標勝蹟到處
仰芳規疑有蛟龍伏休將點畫窺千巖靈並會百代力
能持醉素難方軌顛張詎等差壁嵌宗鑒在篆刻二泉
遺仲紙薑芽斂詩成漫自嗤

池上有宗鑒堂法帖

啜廬山茶用山谷先生雙井茶韻

攤飯先生午枕餘
弟子問字兒課書
爲乾舌本澆茗椀
未要榨滴紅珍珠
山中筍蕨甘且腴
佐以碧乳清相如
此物亦分包貢後
十年素食慚江湖

謁朱文公祠二十四韻

俗吏矜刀筆
眞儒識本根
議高羣聽駭
道立典型存
昔在淳熙歲
公持正學門
知軍初受事
敷教獨探源
堤號紫陽築
山尋白鹿躡
社倉行里正
國學溯昇元
善政籌荒切
純心勸士敦
經綸皆實効
誠正豈空言
時相頻申

劉延和竟抗論額書垂薤勁產賜臥龍屯松竹開荒徑
雲煙敞畫垣枕流尤愛石喻義別成軒嶽麓名相昉鷺
湖例可援菴畱雲谷舊井記玉泉溫講座銘無斲條規
義不煩會文堂名人濟濟貫道橋名水沄沄紀蹟青山壽傳
經曉日瞰宮牆瞻美富弟子共晨昏所學平生愧長懷
往哲尊春秋隆俎豆鞠脰薦蘋蘩此地分洙泗

清時荷

澤恩

御書洙泗
心傳匾額

須知佐庠序不是戀田園精氣川源

結高文海岳吞綿綿千萬禩仰止矢無諉

文公始置學
田有臥龍等

莊公未知南康軍時作
晦庵於廬峯之雲谷

宿試院嵐漪軒奉懷覃溪師二首

院對嵐漪蹟已湮軒名仍借擘窠懸江山憑弔一卷石
翰墨精靈七百年行徧欄杆疑夢寐思摹篆刻訪雲煙
涪翁好句無人畫小雨孤帆水接天

小雨藏山客坐久
長江接天帆到遲

黃涪翁落星
寺詩句也

兩度頻來寄行跡三秋回首記前因

前年七月師約遊
廬山不果今主講

鹿洞寄誰知星渚維舟客仍是元亭問字人嵐翠濛濛
宿於此

當戶影晴漪灑灑入簾春臺端直吸西江水蟻垤蜂房

孰幻眞

寄家書

米鹽凌雜必躬親那得偷閒寫洛神

來書小楷頗佳

小婦持家

如大婦故人織素勝新人十年出入肩常並百里雲山

夢更眞屈指歸期槐夏過香雲

書屋名

看擁桂輪新

喜舍弟做逸至鹿洞

子來及春杪執手已夏仲濡滯百里間況隔章與貢憶
我卜居時勸我勿離鄉子歸守廬墓我遷於西昌西昌
各異縣三年一相見萬事如轉燭流光似奔電知非子

已屆兩鬢猶未斑我年雖稍長齒落腰脚頑對牀風雨
聲天末鴻雁影壯心憐未已苦言發深省

舊藏俞子中書白居易廬山草堂記墨蹟覃溪
師題詩其上約攜此卷同遊廬山已而不果今
歲主講鹿洞謹和元韻

草堂夢落蘇潭上遲我匡君十載餘余得此卷於邢今
上十三年矣
日攜來如左券香山記與紫芝書

蘇室畱題繼二君心期落落寄煙雲樓頭開卷一長嘯
響蒼空山五老聞

食廬山筍用山谷先生韻

先生饌無魚弟子色有菜胸容萬卷蟠囊剩一錢買自
我居廬山匝月斷庖宰脯腊市難致肥甘性易壞前身
渭川守食簞了殘債聊以侑粗糲芼之用辛芥日升菹
蓴盤如坐列賓介飽與妻孥共清免蠅蚋曝忽憶蘇潭
上解籜聽風噫護此琅玕實以俟鳳凰采

枕流橋之側鐫琴意二字於石作琴意吟

廬山之南玉泉之陰白石齒齒波沈沈流入松林太古
音醇之攫之愉且深按之無弦并無琴我會琴中理無

勞弦土指共喻者誰二三子海上蓬萊空渺瀰平生不
識董庭蘭得意琤琮水石間次律若逢和璞語東坡應
悟仲殊彈偶尋行樂地風浴坐盤桓萬籟無聲碧潺潺
但見天高雲卷山月寒手挽千斛水洗淨箏琶耳不願
諸生枕流漱石宗巢由但願終日理性宣情叶宮徵

畱別鹿洞肄業諸生三首

歸雁度彭蠡雪浪吹星墩諸生挽我袂我駒已在門欲
別行且止爲生進藥言鹿洞古國學秀毓敷淺原侏侏
來鼓篋貫道窮根源藜羹對書史至味銜

主恩餘廩或不繼絃誦安可諉蕃畬田匪石狩獵庭有
貍師說稟昌黎弟子尊何蕃子非志溫飽我亦羞素殮
我思古作者爲文必已出譬蜂採百花醞釀得甘蜜又
如置器用先植梓與漆三代暨兩漢源流本合一道無
區大小文要總華實聖盡身不傷郢人畱妙質老我工
斲輪歷甘苦徐疾簡練爲揣摩雷同惡勦說殿最競錙
銖紛紜較得失不見李善道授經啟石室

寄榻十三旬風雨數晨夕課文十五番經義兼詩策爨
或識焦桐楸豈妨美璧參苓收藥籠嗜好無吟域寶與

天下其弓是楚人得慚余一日長對此函文席討論同
懇懇含情悵脈脈松風吹別袂諸子各有適行者應秋
試居者返舊宅揮手謝五老何時重蠟屐

賦贈廣文王文節亭兼以志別二首

天風吹上讀書臺似覓青蓮醉處來妙境憑誰幽語共
先生爲我好懷開湖光潑檻涼生袂星石當窗翠作堆
坐客無氈差不俗月明時放酒船回

翛然一榻臥春風我屋君齋臭味同兩世交情雲水外
廿年離合酒杯中後期重指霜前菊

訂于九月
重過南康

舊跡仍

留雪裏鴻章浦潯陽通咫尺好憑雙鯉寄詩筒

次覃溪師韻送徐友竹之湖北二首

行年八十侶樵漁鄧尉峯前水竹居惆悵梅花千里夢

因緣華嶽數行書

余守揚州時約尋梅訪君鄧尉不果今得同觀華嶽碑爲作八分題名於

側金蘭集續題襟地林邵名高識面初

覃溪師比之林古度邵潛夫

袖裏湖山雲一片也分春色到吾廬

不減高踪渭水魚寧嫌寂寂閉門居千山潑墨傳新本

萬卷行勝貯異書榻解南州人去後帆開赤壁鶴飛初

明年草綠橫塘路步履相過款竹廬

約來春訪君於吳門

黃詩三集注本刻成覃溪師集同人于南昌使
院谷園書屋薦筍脯同賦二首

黃詩舊刻傳宏治三注名垂少合鐫七百年來求善本

十州人萃信奇緣

十郡同人校訂

多生息壤公能踐一瓣心香

我倍虔燈火丹鉛蓬閣上西江夢落柳湖邊

師舊居東湖柳村

師門句法爲誰拈我昨廬山識瀑簾許尹敘全償夙願
黃齋譜訂喜新添抄傳 內府珍同璧腕脫諸生字比
縑從此人間畱萬本何煩紫氣斗牛占

送裴鶴峰之嶺南

一從長揖謝公卿廿載郵筒識姓名

覃溪師提學嶺南時寓書京邸稱君

品藝飲我惠如仙露浥對君朗若玉山行當年枌社初衣
在幾日梅關白髮生書劍飄然畱不得扁舟又去五羊
城

題裴鶴峰秋景便面兼以贈別

江樓不是寫登臨欲去還畱別意深迴望章門秋色好
空濛帆影繫歸心

九日陪覃溪師偕門下諸生游北蘭寺午飯蘇
潭同賦二律是時師將北上

龍沙亭北香巖界今日登臨意惘然三十年來門下士
羣仙隊裏菊花天西風雁鶩回江上夜雨魚龍動檻前
明日放秋試榜此地簪裾誰作合不須絃管聒離筵

潭上題詩已三載

丙午師作蘇潭歌見寄

園林日日望公來鷺鷥

似狎高軒至桃李親承兩世栽對影能還真面目齋心
爲洗舊風埃是日茹素明春奉杖蘇齋側浦樹江雲首重回

附錄覃溪師和作

有美東南詩弟子至今髯也思飄然畱題古佛初栳
閣收盡橫江萬頃天秋渚夢圓三載後蘇門話又百

年前端從王宋參禪偈不爲諸君賦別筵

康熙辛未
晉江朱晦

人題曰蘇津詩屋以比魚
洋也秋渚唐權載之語

檻思縣縣上綠苔似尋蘇步石坊來古歡舊約憑心
印老幹新英愧手栽對榻籤廚增感慨廿年衣袖積
塵埃臨分贈處期同學力挽層瀾大海迴

來鶴亭和覃溪師韻二首

我昔來豫章誅茆初卜鄰名潭以蘇步閑居賦安仁使
節旋三載臨別贈雙鶴心迹堪共盟雲霄信有託聞鶴
一驚心誦詩日展卷萬里望冥冥千秋意綵綵公去寶

蘇室我倚潭上亭義凜石攻玉毋忘藍出青

師銘蘇潭云源或委

青或藍

我聞養鶴法要與松石鄰譬友必擇善又如居處仁我

憶茶山邸有堂名翔鶴

敢昆昔寓錢文敏公京邸翔鶴堂

書法用華陽

素心千載託師意豈做此贈言溢長卷江西水渺瀰燕
雲思繼綵並立羽毛潔潭上影亭亭久要貫金石豈在

圖丹青

附錄元韻

我堂名友善其初曰有鄰蓋借他山助實取于輔仁

我館題雙清其前曰蓬鶴以目二友居

嘉興吳君春
駐江陰夏君

限久要寸衷託所以贈鶴心先爲假鶴卷數月借棲

遲三年倍繼繼所以假鶴卷扁作來鶴亭千里在陰
思爾我俱眼青

丙午冬予來南昌何中丞惺菴以二鶴見贈蓄於使
院後之友善堂且有諾贈吾蘊山之語唱酬屢作幕
中諸友屬而和之丁未冬借蓄于蘇潭戊申初夏復
還今將北歸以歸蘊山爲扁其亭曰來鶴而題於此
卷以記之

和戴蓮士殿撰題贈春風樓小草元韻二首

泉流雙玉傳詩本何啻君家棣萼樓蠟屐誰人追勝賞

題名同郡續清遊他山攻錯思鳴鶴夜壑風雷起蟄虬

二十餘年行樂地風光收盡碧雲頭

蓮士昆仲昔肄業鹿洞書院有雙玉

泉詩刻

置我元龍最上層匡君未讓骨峻嶒慙無慧業三生證

空有詩名老境增煨筍深山朝噴飯聽松短榻夜挑燈

與君重結尋幽約風月堂高許共升

蓮士尊入篋圖先生昔主鹿洞書院

有楹帖云光風霽月意思近裏著已工夫至今存

蓮士以晉韜詩草見示率題一律

傳聞三晉鍾奇士上黨中條積翠多
白雁橫汾製新曲秋風廣武動悲歌
探書石室披榛上摹碣叢臺策馬過
讀罷一編如攬勝知君巖穴費搜羅

庚戌二月將赴都畱別諸同好四首

浮雲去住原無意恰逐清風又出山
病臂已經三折險殘生却悔十年閒
重逢昔木沾春露仍許漁樵近

聖顏

恩詔幾行甦久蟄驚回舊夢繞朝班

名坊似徙灌城隅池館於今亦姓蘇

余南康舊居爲蘇步坊今豫章新築

名蘇潭

漸喜比鄰鵝鴨熟時攜絲竹屐裙俱分題古櫟添

吟社自種喬松儼畫圖如此風光忍言別招招舟子賦
邛須

哀樂中年感最多諸公憐我屢經過蒼生霖雨成虛語
烈士初心發浩歌幸託清時容跛鼈敢因長假戀煙蘿
他時禊飲東湖側采芎相思盼綠波

藏山著述百年身蒜髮難回鏡裏春但畏友朋譏暇逸
敢因

王事憚艱辛每逢覆轍思前鑑漫趁先登據要津枌社
耆英容末座歸來軟脚浣衣塵

示外甥應三兒子學增學崇學垌二首

諸甥似汝最稱賢綺歲相依共粥餽牖戶綢繆風雨後

林花愛護雪霜前芝田鶴語尋詩券

亭名來鶴有假鶴圖詩卷

桃塢

人歸泛酒船

應三有桃花春囊小照

執手尋常追賞地臨岐未免

俗情牽

報國文章事已虛庭蘭後起望何如新雛學語方離襪
二子勝衣始受書汝輩承

恩思飽煖老夫陳力敢安居縹緲萬軸堆盈屋慎勿銜
喜笑鼠餘

六月七日灤陽

行宮引

見奉

旨仍發江南以知府用次日具摺謝

恩召對良久感

恩紀事兼別京邸諸同好卽用前韻四首

仙界初來問灤水旌門立馬簇羣山親承

綸綽

天容近別啟松雲晝漏閒再世生成銜

帝德卅年科第汗臣顏一麾久謝承明職尚記詞林甲

乙班

上垂問何年進士居翰林
時大考幾次列何等第甚詳

豈有東南訴向隅民依

厯念與昭蘇除茲稂莠嘉禾植動以雷霆雨露俱老馬

知塗無遠慮雞雞待飼覓良圖

上年

御募宋臣雞
雞待飼圖頒賜天下郡

縣兩江財賦繁天下借箸前籌孰急須

時高郵句容有
書役侵蝕錢糧

之案 上諄諄以

除弊安民爲訓

江淮瀟院匯流多楊柳春風泛棹過

今年三月道安一
慶江寧入都

髮青山縈舊夢幾番鴻跡付清歌朱絃更鼓調琴瑟灌
木重榮謝薦蘿父老江南應佇我雨花臺上月如波
袞袞諸公早致身鳳巢已隔

九重春鱗枯幸假新波活蓼集難忘舊味辛十日故人
燕市酒西風畫舸直沽津幾時重騁天街轡同向東華
踏軟塵

鸞鳩搶榆枋而大鵬一舉九萬里研朱滴粉渲染不過
尺幅而海東紅雲光照天下其所積者厚而所據者高
也同年謝觀察蘊山先生年二十餘登進士第以制藝
傾一時入翰林有聲詞館主試中州分校禮闈人頌其
公明而羨其所得皆佳士及其一麾出守所歷皆望郡
撫循噢咻論東南賢太守者必首及先生竊以先生治
績當爲一世循良之最矣乃酬唱贈答登臨感興之篇
時時流播藝林爭誦傳抄始知先生才分學養之闊且
邃如此文學政事蓋以一人兼之今年夏以所著補梅

軒詩集郵寄示余其格律渾成雄逸深造古人不特情
韻清穎華采鮮潔而已夫世之以詩名者大抵皆騷人
墨客終其身沈酣歌詠抑或迴翔館閣以文字爲職業
若賢勞鞅掌理治繁劇之才則所謂一行作吏此事便
廢者先生獨能包舉其全且各極其至然則先生之所
積與據者爲何如也讀是集私心爲之傾盡焉乾隆五
十九年秋七月趙翼序